

# КАНОН СВЯТОЙ ПРАВЕДНОЙ ИУЛИАНИИ ЛАЗАРЕВСКОЙ, МУРОМСКОЙ

*Память празднуем 2 (15) января*

## *Тропарь, глас 4-й*

Просветившися Божественною благодатию, и по смерти светлость жития твоего явила еси: источаеши бо миро благовонное всем болящим на исцеление, с верою приходящим к мощем твоим, праведная мати Иулиание, Христа Бога моли спастися душам нашим.

## *Ин тропарь, глас 3-й*

На рамо вземши крест свой, последовала еси Христу милостынею, постом и молитвою, всехвальная Иулиания милостивая, и всем, в мире живущим, правило явилася еси жития, тем же Вышнее Царствие наследовавши, непрестанно моли спастися душам нашим.

## КАНОН, глас 8-й

### *Песнь 1*

*Ирмос:* Колесницегонителя фараона погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Богу воспевающая.

*Припев:* Святая праведная мати наша Иулиание, моли Бога о нас.

Бурями страстей всегда погружаема мя и молвою помыслов греховных колébлема, к тихому пристанищу Христовы воли мольбами твоими, святая Иулиание, направи, яко да достойно пою тя.

Святая праведная мати наша Иулиание, моли Бога о нас.

Вдовством чистым просвещаема, Богоблаженная, Христови

постом уневѣстися, и молитвами, и милостынею и последова живоносным Его стопам, скудость много волею претерпевши.

**Слава:** Святых отец учению последовала еси, славная, и сих нравом и чистоте поревновала еси, воздержанием, аки бесплотна, сущи и чистотою преподобна, во истинном смирении добре поживши.

**И ныне:** Пречистая Богородице воплощенное, присносущное и пребожественное Слово паче естества рождающая, поем Тя.

### Песнь 3

**Ирмос:** Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

Святая праведная мати наша Иулиание, моли Бога о нас.

В Небесныя чертоги всельшиися, светозарная, Богоугоднаго ради жития исцеления реки источаеши и страстная течения изсушаеши.

Святая праведная мати наша Иулиание, моли Бога о нас.

Распалившияся желанием крайним, возлюбила еси Христа, Богомудрая, обнищавшаго плотию премножеством благосердия, и последовала еси живоносным Его словесем, житейская вся презревши.

**Слава:** Позлащене криле милостынею стяжавши, к Небесней высоте возлетела еси, Богоблаженная Иулиание, яко голубица нетленная.

**И ныне:** В ложесна Твоя, Всенепорочная, вселися Зиждитель, воплощаемь на благодеяние верно поющим Тя.

Господи, помилуй (*трижды*). Слава, и ныне:

### Седален, глас 4-й

Постом и молитвами украшена и милостынею Бога одолживши, яко непорочная угодница Христова, с Ним в нетленный вошла еси чертог, идеже красоты Его наслаждаеши, но моли спастися от всяких бед и болезней

нам, любóвию пою́щим тя.

#### **Песнь 4**

**Ирмос:** Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Свята́я пра́ведная ма́ти на́ша Иулиа́ние, моли́ Бо́га о нас.

Свѣтлое торже́ство твоѣ, свѣтом Бо́жия Ду́ха сия́ющее, озаря́ет ду́ши на́ша, ве́рою пою́щих Тя, преподо́бная.

Свята́я пра́ведная ма́ти на́ша Иулиа́ние, моли́ Бо́га о нас.

Чудеса́ Божѣственными уве́рила еси́ неведу́щих Влады́ку и к ве́ре Христо́ве тех возврати́ла еси́, прѣлести тьму оста́вльших.

**Слава:** Дар Христо́ви принесла́ еси́ – чи́стое умерщвление́ удо́в, трудо́, и воздержани́ем, и ми́лостынею Бо́гу угоди́ла еси́ и проти́ву прияла́ еси́ Небе́сное Ца́рство и ве́чное наслажде́ние.

**И ныне:** Смиривши, спаси́ мя, высокому́дренно живу́щаго, ро́ждшая Спа́са, возне́сшаго смири́вшееся естество́ на́ше, Пречи́стая.

#### **Песнь 5**

**Ирмос:** Утреню́юще, вопие́м Ти: Го́споди, спаси́ ны, Ты бо еси́ Бог наш, разве Тебе́, ино́го не ве́мы.

Свята́я пра́ведная ма́ти на́ша Иулиа́ние, моли́ Бо́га о нас.

Ру́це твоя́ преподо́бныя, воздвиза́еме ко Христу́, ма́ти, низложи́ша вра́жия стремле́ния.

Свята́я пра́ведная ма́ти на́ша Иулиа́ние, моли́ Бо́га о нас.

Удержав ру́ку твою́ десну́ю, Вы́шний наста́ви тя, ма́ти, к Небе́сному Ца́рствию.

**Слава:** Стезю́ те́сную прешѣдши в пощѣнии, к широте́ ра́йстей приспѣла еси́, всечестна́я ма́ти:

**И ныне:** Богоро́дицу Тя не ве́дущии, Богома́ти, Свѣта не и́мут ви́дети, ро́ждшагося от Тебе́, Пречи́стая.

#### **Песнь 6**

**Ирмос:** Ри́зу мне пода́ждь свѣтлу, одея́йся свѣтом, я́ко

ризою, Многомилостиве Христэ Бóже наш.

Святáя прáведная мáти нáша Иулианíе, моли́ Бóга о нас.

Умертвívши двизáния плотскíя и над страстьми́ воцарívши ум, ны́не, всечестнáя Иулианíе, в безстра́стных живéши свéтлостех.

Святáя прáведная мáти нáша Иулианíе, моли́ Бóга о нас.

Образу Спáсову покланя́тися навýкла еси́, сла́вная, всенóщными стоя́ньми, слóвом и дéлы соблю́дши спаси́тельная Егó учéния.

*Слава:* Облак показá тя Христós, источáющу мíро, я́ко дóждь, на исцелéние приходя́щим с вéрою к мощém твоим.

*И ныне:* Крáсен пáче всех человек бысть Сын Твой, Пречíстая, добрóтою Божества́, áще и плоть бысть нас рáди.

Гóсподи, помíлуй (*трижды*). Слава, и ныне:

### *Кондак, глас 8-й*

Скоропослу́шливую помóщницу вси, сýщии в бедáх и болéзнях, воспоём Иулианíю святýю, та бо в мíре богоугóдно поживé и мíлостыню к ни́щим безмéрну показá, сегó рáди обрéте благодáть чудéс Бóжиим велéнием.

### *Икос*

Приидите, пóстническое сослóвие, приидите, чистоты́ рачи́телие, приидите, празднóлюбцев всяких вóзраст, приидите, вдови́цы с мужáтыми, пéснями духóвными похвáлим блажéнную Иулианíю, пóстницам похвалó, вдóвам украшéние, мíлостивым удобрéние, печáльным утéшительницу, боля́щим посети́тельницу и сýщим в бедáх скóрую помóщницу, Богомúдрую мíлостивницу и странноприёмницу, точáщую всем исцелéния, приходя́щим к ней с вéрою, обрéте бо благодáть чудéс Бóжиим велéнием.

### *Песнь 7*

*Ирмос:* Отроцы́ еврейсти́и в пещи́ попрáша пла́мень дерзновéнно и на рóсу огонь преложíша, вопи́юще:

благословѣн еси, Господи Бóже, во вѣки.

Святáя прáведная мáти нáша Иулианíе, моли́ Бóга о нас.

Красотú тлѣнную небрегла́ еси́, Иулианíе блаженная, смотрящи́ тамо́ сущая́ воздая́ния, свет же и сла́ву нестарѣющуюся, и Бóжию красотú и весѣлие, и Божѣственное наслаждѣние.

Святáя прáведная мáти нáша Иулианíе, моли́ Бóга о нас.

Мир тлѣнный пременя́ла еси́ премíрною жízнию нестарѣющеюся и врѣменную пíщу пребыва́ющим существóм, чíстым же вдóвством обрела́ еси́ Небѣснаго Жениха́.

*Слава:* Рáзум боголюбíв стяжала́ еси́ в души́, плóтию Ангелом уподóбившись, бдя́щи тѣпле и любóвию пою́щи: благословѣн Бог о́тец нáших.

*И ныне:* Виждь скорбь мою́, Дѣво Богородице, ю́же ми наведе́ множество́ зол мо́их, и от ге́енны о́гненныя исхíти мя, пою́ща: благословѣн Бог о́тец нáших.

### *Песнь 8*

*Ирмос:* Богоглаго́ливии о́троцы, в пещи́ со огнѣм пла́мень попира́юще, поя́ху: благословите́, дела́ Господ́ня, Гóспода.

Святáя прáведная мáти нáша Иулианíе, моли́ Бóга о нас.

Укра́шена сия́нием чистоты́ и чíстым жити́ем просвещѣна, предсто́иши Христу́ Бóгу нáшему, пою́щи: благословите́, дела́ Господ́ня, Гóспода.

Святáя прáведная мáти нáша Иулианíе, моли́ Бóга о нас.

Боле́зни различны́я челове́ком врачует и бесóвские нападе́ния прогоня́ет тѣло твоѣ́, прáведная, во грóбе пресла́вно сокрыва́емо.

*Слава:* Молѣбную песнь Гóсподеви принеси́ о пою́щих тя, блаженная, и боле́зни лю́тыя облѣгчи, да поѣм тя во вѣки.

*И ныне:* Немо́жение души́ моея́ исцели́ и телѣсныя боле́зни, Дѣво, я́ко да поѣм Тя во вѣки.

### *Песнь 9*

*Ирмос:* Устраши́ся всяк слух неизрече́нна Бóжия снизхожде́ния, я́ко Вы́шний во́лею сни́де да́же и до плóти,

от девического чрева был Человек. Тёмже Пречистую Богородицу, вёрнии, величаём.

Святая праведная мати наша Иулиание, моли Бóга о нас.

Возжелéвши доброту Христову и от души возлюбивши Егó, зовéши Емú, тёпле вопиúщи: где пасéши, да почиú у Тебé? В Твоих свётлостех наслаждаúся, величаúщи Твоюю благодать.

Святая праведная мати наша Иулиание, моли Бóга о нас.

Разум имела еси в души и смирение, и Божественную кротость, и веру несумнённу, и любовь к Бóгу, всенóщными мольбами приближаúщимся Емú и тамо сущими свётлостями ублажаема, Иулиание, озаряема и просвещаема.

*Слава:* Нас, véрою хвалящих тя, помяни, Иулиание блажённая, душевных и телесных болéзней изба́ви и к Небёсней стези наста́ви véрою хвалящих тя.

*И ныне:* Пощади́ мя, Христé Бóже, рожде́йся от Дéвы и рóждшую Тя нетлённую сохрани́вый, егда́ сядеши суди́ти дела́ моя́, беззакóния и грехи́ моя́ прэзри, я́ко безгрéшен, и мило́стив Бог, и Человеколюбец.